

共八本

鳳凰廳續志

卷八

鳳凰廳續志

鳳凰廳續志卷三

山川志

營寨在務頭約廳東北三十里古時征苗結營於此故名山下有泉出於風洞四序溫涼互異祈晴叩雨往往從心

天護聖在高岱撐空突兀頂復寬平東北分枝勢相倚嶺前此邊氛告警村民於此寄家

天保聖在崖牛塘壁立正方上平下削梯延兩級可住二百家康熙時吳逆殘軍過其下譟呼相脅聖民曰吾有木石二將軍恐汝曹不能敵也少間滾木擣石

紛然雜下衆賊傷奔往年黔匪犯邊鄉人避居於此

北斗山在廳東七十里與瀘麻接境高三十餘里

疑卽瀘溪

之巴斗山按苗防紀略及雜識備載形勢前

山極險

志苗防第二卷第四十三員亦分注甚詳

崇絕頂七峰兩庵相亞夏秋之際電霆恒起殿中泰
禮者四達胥來雩禱應期風景足供遊覽

馬鞍山在水大田平地挿空四邊危陡旁通一徑頂極
寬平據險置家汲樵皆便爲厯來避兵穩處

南高樓西高樓均在水田約毗近麻陽北界兩山對峙
高倍千尋絕頂縱眸環觀百里外鄉團瞭望藉察賊

蹤

鐵桶山在土黃潭高七里許下險上夷舊築城垣並饒薪水迤南峰頂名觀音崖奇石品生侍者蓮臺畢具旁修蘭若亦可避兵

蠟洞寨在濫泥山廳南二十五里石屋寬長數十丈穹窿險固儼若囷倉賊來扈以堅圍足與鐵桶馬鞍相援應南爲馬跡洞規勢愈深沿壁多印馬蹏痕於中亦堪設守

大平寨在火麻營距城四十五里

滿塋在大灣廳西南七十里

麒麟塋在芭蕉腦距城六十五里與滿塋相望

獅子臺在得達坪距城八十里

鳳凰臺在都桐距城七十里

宋公臺在麻子岫距城九十里

以上各臺寨類皆彌邇黔疆與前志所列上下五崗及錯壤於乾永瀘麻之一百四十餘臺情形稍異前志苗氛甫靖招集流亡築堡興屯藉資耕守茲但指寮架險避禍暫時賊至則居事定依然曠置焉

佛洞在大都坪廳南五十里橫闢嶺巔入門斜行百里

步豁然寬廣回覘洞口如甕如箕倒影天光又如初

弦之月鍾乳倒垂皆成佛像以此名得或云苗變鄉

衆匿其中亦稱伏洞左豎石屏高仞許闊尋丈而薄

僅二寸餘卓立正方遮隔小門從旁可入屏外有大

圓石推旋作鼗鼓聲出洞迤東山頭二石前石如鳥
牯牛崖牛後石似牧人遠望之有麾肱意
陽橋洞在老秧田距城八十里洞居山額石壁數尋緣
危徑度天生橋橋下瀑水泉飛注洞頂垂鍾乳苦琉
璃洞前疊砌石牆居入藉逃兵燹
落馬洞在水大田西高樓之左石鞍秣具宛如廐形洞
旣恢閎中多異致燭行三里許阻潭水迄不能窮迤
北爲海螺庵石縐螺紋蒼松互蔽偶聆鐘鼓始知中
有團蕉也

娘娘崖在金子江廳南四十五里山頭聳石高二丈餘

全現婦人形鬢粧悉具背肩小石宛似嬰兒近村孩
穉有裁者虔攜拜禱揭名崖竇獲庇甚靈

觀音崖在廳南七十里羣峰浪疊奇石祖跏儼瞻妙相
莊嚴崖名取此前生小石彷彿善才膜拜擎拳不殊
五十三參聽經座下

三脚崖在廳南四十五里石踞嶺巔高逾一丈闊數十
圍周現羅紋趺支鼎足微蹴之復能轉動晨霏暮靄
可驗陰晴是有神靈附近人多祈叩

斗笠崖在蠟洞寨南山頭石筍高二丈餘上覆圓石圍
數丈宛若村農戴笠狀山陽有洞泉漾風生冬暖夏

涼頗堪幽憇山下漑田甚廣不徒取快遊蹤
燕子崖廳南二十里距水大田十里高山之頂石屋甚
深氣候清和春燕多巢於內欲至者攀援曲折冒險
迺登往年黔匪寇邊居人避此賊不敢窺

鐵門限在水大田之東兩山關鎖一限橫途爲諸溪過
峽之門其外則雙江口諸溪匯焉以達麻陽之石羊哨河
稍近爲筆架山與馬鞍山相連孤峰聳出石作堆書狀
旁有帽盒崖及石榻石几皆逼肖沂溪至迴龍庵竹
樹蕭森田疇繡錯泉響與鐘魚互答致亦清幽前志

一庵內古松今無考

二獅山二虎山聚蟠水大田上游稱命俱因形似兩溪襟帶助勢彎環撲攬之姿愈增靈活

鯉魚洲在雙江口河灘之下直長數丈高僅半尋泛似無根隨波漲落雖春洪驟發谷岸迷蹤而睹彼中坻依然露脊殆輿志所稱浮洲者歟

天星塘在廳西五十七里枕倚羣岡村煙甚盛塘居嶺頂袤延四十餘丈澄空一碧朗映天星因此得名或云開鑿非由人力亦名天生塘蓄洩因時山鄉厚賴重陽樹古木也在龍潭水口質姿堅實種自前明里閭相傳歷周三百餘歲雖迭經兵火生意獨存至今枝

葉扶疏衆欽神護

沱江爲廳治大河來源甚衆不僅前志所書烏巢一派
而已水勢較石羊稍爲尤暢頻經夏旱從未斷流惟
下游老河口巨石中橫致妨舟楫前志歷述道廳紀
陳諸公排決未成猶啟後望咸豐肇紀署廳洪慶華
捐募重資遴派董紳楊連城吳永祿江穎建等監工
始自平皋層層下闢至林家壩石橫之處諸匠憚施
攻鑿爭議置隄固石於欄壅防懸溜障水直趨中道
侔勢建瓴是歲冬勉牽二舟抵城下係麻陽河之小
五艖子迨春水漲騰舟未回而江湖復歸故道新槽

漫塞石踞如恒破費三千緡迄無實旣光緒元年
署道陳寶箴提公款數千委鄉紳黃河清楊培生
董其工時逾兩載亦踵前事勉撐艣艇空扛至廳城
脚下自謂可以蕝事詎料商民畏其險阻竟無船隻
往來久仍汙塞徒糜工貲後之君子有志興修者務
須精心體察實力將事幸勿仍蹈前車是爲厚望

西門江在得勝營

右營遊擊駐劄

圖屬下鄉戶間殷盛憑溝界

險限制苗疆廳境大溪首沱江此其次者溪有兩源
南源出同全波經牛軛古冲等處西源出天星寨蠟
耳關經兩頭羊老皤潭共會營西邊牆之下牆以內

布分營汎牆外度大橋沿溪西岸爲苗路土塘地當

鳳北乾南適中孔要水趨東北經溝田塋晒金塘

左

遊擊駐以舊司坪又會爆木營溪至篁子坪豬圈漸深居

然藪澤再經木林坪與灣溪會灣溪者發源科甲由

强虎哨歷灣溪東合乾州衆水與沱江並會河溪

本名

合溪總稱洞河出瀘溪縣以達辰河

溝田塋在溪東岸與溝田汎近危崖陡聳巉峭百尋下

瞰迴流疑蟠地底塋上人家簇處皆崇垣洞牖懸構

踈營嶙峋景物煙嵐四時攸異塋左挨營汎芳疇沃

衍林木布陰遠映關礪頗饒畫意沿溪有二洞曲折

鳳凰圖元 卷三
幽深雨暮晴晨欲歎雲霧山水微呈秀致在邊徼不
易尋也

簞子坪襟壟帶溪北距廳城七十五里爲先朝守土田
氏長官司舊治村煙茂密地勢平饒溪居上下數十
里詢宗什九稱雁門禮俗冠裳猶具世家風範惜鼎
鐘遺蹟鮮可徵求明季土司城隍古廟歸然猶存社
鼓神絃聊藉感懷興替耳

井泉

洪公井在廳城北門內迤西成豐二年署同知洪慶華
捐浚穴溝城下暗引河流居人便之城上增建礮臺

爲監生楊連城捐築工料堅實制扼當衝

竣工稟道立案稿署

鳳凰廳同知沅陵縣知縣洪慶華稟竊照卑廳城內九街四巷軍民環居飲水皆資於河無井可汲若如西城之蓮花池南城之小井均皆闌市溝流及居民棄水所積極爲污穢不堪飲酌詢之耆老咸稱乾隆六十年苗變閉城距守需水則以兵丁擁護出城挽汲伏思米鹽薪水城中缺一不可萬一事有不虞開城挽汲終非善策卑職兩次署理斯缺恒籌及之至今夏粵匪擾及楚邊尤深切念因與陳守備開甲揣度地勢城外大河繞城西北隅高灘之水積於深潭潭勢尙高遂於城內近河之處開掘水井一道高深二丈底闊五尺長八尺面闊一丈長一丈四尺城基築於山石之上就城內山石中鑿穿一穴達於城外卽在城外穴口開一暗溝引河流灌入井中當此冬月水涸亦充盈不竭若遇春水漲發恐井水溢出則於城內穿穴之口用鐵板堵截其城外溝面先蓋以石於石上復蓋以土與平地無異人行城外固不知下有伏流也井旁四面俱用大石疊砌並於原城之磚砌者易之以石尙屬堅固可久三閱月而功始成

計費三百四十餘緡費無所出均由卑職自行墊辦
現已告成謹將籌辦緣由據實具稟仰懇履勘批示
立案等因咸豐二年十一月十三日稟奉護理湖南
分巡辰永沅靖兵備道翟批如稟立案此覆附錄
監生楊連城捐修礮臺原呈爲捐資辦公以資捍禦
事情生城中向無井泉汲取甚艱自蒙度地修井泉
流不竭闔城士庶無不感戴第城外形勢散漫必須
增修礮臺庶足以嚴防衛而大王頻興之後費恐無
出生世居鳳城仰體公祖拳拳保民之心不揣冒昧
願捐制錢三百千文以爲幫修礮臺之需此係出生
本心可否恩准理合呈明伏求批示等因咸豐三年
正月二十八日呈奉署理鳳凰直隸軍民府洪批該
生急公好義咸豐元年開鑿城外大河與職貢江穎
建監生吳永祿三人出力捐資不避雨雪至半年之
久至去冬興工續修老河口該生又能出資墊辦朝
夕監工本署府極爲嘉獎茲城垣因道光二十九年
大水漲發間有冲裂筆架山一帶長嶺城外與城內
共險北門鑿井之處必須增築礮臺護井卽以護城
正在籌費修築而議論不一幾將停止該監生又能
捐錢三百千爲倡以期工之必成假令地方有茹生

者數人深明大義踴躍從公則眾志成城金湯鞏固
本署府當與闔廳軍民紳耆永享

昇平之福矣

仰卽繳資刻日修
工以酬好義之志

義塚

得勝坡山地一區在北關外打嚴廠之右寬周里許咸

豐九年巡道翟誥捐捧購施

契存廳卷

大坡腦山地一區在西關外大坡汎之後寬周里許同

治十年署鎮軍鄧萬林捐俸購施

契存廳卷

簞子坪官墳之上去二里許於光緒四年稟奉 廳官

徐公准將公地一段約百餘丈四圍立限作義地查

此山係田氏祖基雖陽地充公其陰地仍無人越佔